

道南源委
叁冊



69137

道南源委卷之五

儀封張伯行孝先重訂

受業道南蔡衍鏡棟

元



歐陽公侁字以大長樂人隱居著述動循禮法學者師焉

著四書釋疑五經旨要性理字辨格物啓蒙忠孝大訓

女範幼學等書子潮舉莆田教諭通五經稱五經先生

韓公信同字伯循福寧州人幼穎悟工詩文既壯受業陳

石堂遂刊落華藻究心濂洛關閩之學陳歎曰吾菴矣

得斯人飲水俟命復何恨哉延祐四年應江浙舉不合

卽杜門不出四方書幣日至弟子請業者戶外屢滿著

道南源委

卷之五

正誼堂

四書標註書經疏文三禮易經旁註書解集史類纂及

詩文十卷

李公學遜邵武人忠定九世孫也博學洽聞善天文尤邃

於易爲文典雅片言隻字人寶藏之所著有易精解中

星儀象等圖

黃公鎮成字元鎮邵武人弱冠卽慨然以道學自勵至正

閒築南田精舍作詩寫懷部使者相繼論薦授江西儒

學提舉不應以壽終集賢定諡曰貞文處士所著有尙

書通考周易通義中庸章指性理發蒙秋聲集自號存

存子學者稱存齋先生

每俘至委訊曰此平民也府帥曰曷知之曰獲賊從巢穴此皆自井里得之者也時分置汀漳屯田萬戶府以公爲經歷屢有差遣不及理府事兵民請諸分省曰願還此官活我邊人所著有三溪集傳世

陳公旅字眾仲莆田人父子彥兄震皆一時名士公幼孤穎異稍長負笈從泉南傅定保游博學多聞聲名日廣用薦爲閩海儒學官中丞馬祖常見而奇之勉游京師既至學士虞集見所爲文慨然曰在茲付子矣延之館中廷臣力薦除國子助教滿考諸生爲請於朝乞再任積官國子監丞有安雅堂集十三卷虞集爲序林泉生道南源委

卷之五

三 正誼堂

稱其學博而通識高而敏使之裁繁理劇有兼人之能處患制變有濟時之智云

雷公杭字彥舟建安人祖龍濟邃於易兼迪律歷父德潤置義士莊以給貧士公與伯兄機仲兄拱能守家學俱以易鳴於時嘗著周易註解行世稱雷氏易授儒學提舉遷武平縣尹調潮陽卒贈奉化州知州

王公吉才龍溪人篤志古學尤明典禮郡守延爲弟子師後爲泉州學正親終皆及期頤而公年老矣哀慕痛毀有如早喪雖在家庭亦冠衣斂容未嘗見其遽言怒色

學者稱益齋先生

劉公有定字能靜莆田人少貧剛直不樂仕進沈潛嗜學
常著衍極書五篇又原範吟三十七章司業吳源謂其
推闡圖書之祕發揮象畫之妙究極先後體用之所以
然一部全易也學者稱原範先生

張公復字伯陽建安人泰定元年進士官至建寧路知事
師事鄭儀孫學易得邱氏之傳嘗輯諸儒議論編性理
遺書

黃公清老子子肅邵武人通經博史登泰定四年進士
知制誥國史院編修出爲湖廣行省儒學提舉學者自
遠從之率多成就號樵水先生著春秋經旨四書一貫

道南源委

卷之五

二

正誼堂

數十卷其詩存者數十篇有盛唐之風

黃公元實字廷美泰寧人嗜學凝重動循矩度終日危坐
不稍傾倚天厯開試浙闈乙榜授郡文學以剡薦未授
而歸至正癸巳邑有妖民爲亂令廷美討賊賊奄至遂
遇害女貞奔哭罵賊賊殺之

林公廣發字明卿別號三溪龍溪人嘗謂陳安卿號北溪
高彥先號東溪蔡汝作號南溪而已號三溪將兼而匹
焉生平孝友以詩禮訓家庭規言矩行通貫六籍融會
百氏爲後學矜式郡學三聘爲諸生師以部使薦授安
溪學職邑僚師事之會寇作奉府檄招降仍謀軍府事

陳公自新字貢父號敬齋福寧州人通五經精易本傳義而推行以皇極經世從游者甚眾著有起興集等書行世

李公應龍字玉林光澤人郁之後博學有節操爲時師表至元間薦爲白鹿書院山長不赴尋薦漳州路教授亦不赴所著有春秋纂例孝經集註四書講義

吳公海字朝宗閩縣人隱居不仕學周程張朱之學一時名人如貢師泰林泉生藍晦王翰皆雅重之初承父命欲徙居東魯逡巡二十餘年而道路不通乃自號魯生或譏曰子自擬兩生乎答曰非也吾將居魯取其名也

道南源委

卷之五

四 正誼堂

負魯取其義也且吾學仲尼之道謂之魯生不亦可乎若以爲不可則更曰魯客志未得反乎魯也又何議乎明初部使者欲薦於朝力辭不赴居家採摭古今孝子順孫節婦烈女與兄弟之相友愛娣姒之能和睦者附以感應禍福名曰命本以教鄉里又著書言楊墨佛老爲六經之賊管商申韓爲治道之賊遺事外傳爲史氏之賊蕪詞荒說爲文章之賊名曰書禍欲上之人悉取其書而禁絕之使天下曉然知正道慕鄒魯之風爲文嚴整正大雄健雅奧而歸諸理自謂資質愚昧平日所爲鮮能不悖於理顏所居爲聞過齋而爲之箴曰夫過

而人告之者幸也過而不聞不幸也告之而不受受之而不悔悔之而不改是自棄也海雖不敏忍自棄乎著聞過齋集八卷學者稱聞過先生

鄭公轍字子乘福寧人總角時卽與林仲恭受業於韓公信同韓公嘗稱曰二君可續吾闕五賢理學韓卒二君俱心喪三年著有詩文集

林公琪字仲恭福寧人少從韓公信同游篤信力行爲文以理勝舉明經不受強補本州訓導未半載以疾辭晚年敎授生徒以開來學爲己任

明

道南源委

卷之五

五

正誼堂

劉公宗道名駟以字行龍溪人洪武初以秀才被徵再三乃起時召試者八千人公對朝政家治稱旨賜第一上

命學士詹徽密察德行尤異者復以公爲首拜都察院左都御史上格君德民二十事並見嘉納自是商議大

政多所譏切遂爲邵質董希賢所構詔徙南詔不久貰還所過郡邑持之公遜於播州以俟朝命上疑公久不至命索其家都察院檄取其父寶入京面質使入滇索之父行至蜀之蘭陵以憂病卒有詔復取鄰戚與朝使

分索必得劉某乃己其門人陳拯遇之播州告之故遂赴水死公明程氏學好修家禮鄉人稱愛禮先生有愛

禮集十卷

王公暹字希白將樂人洪武丙子舉人永樂中以薦入京
修五經大全由興安訓導歷官國子助教學行飭修祭
酒而下咸推重之終翰林院編修著聲律發蒙解註

蔣公梯生字仁叔長溪人檢身勵行高尚不仕洪武初舉
明經任本州訓導教誘諄諄多所成就著五經蠡測嚴
辭隱義多發前人所未發

鄒公文慧建安人講程朱學從游者數百人洪武初本郡
理學推公爲首徵仕不應

鄭公旭字景初閩縣人居家孝友有信義貫通五經百家
道南源委

卷之五

六

正誼堂

諸史與王偁林誌友善以學行辟爲國子掌儀太祖選
德望十人使傳東宮公居第二後謫吏雲南建文中起
爲高安訓導所著有詩經總旨初學提綱詠竹臺等書
游公義字伯方連江人洪武二十一年進士仕御史議論
慷慨太祖欲撤亞聖配享公極諫忤旨繫獄死

孫公芝字庭秀連江人洪武中以歲貢授慶都知縣陞河
陽知州太祖從劉三吾之議欲削孟子書如視君寇讐
聞誅獨夫等語共八十五條不以命題取士公疏三吾
爲逆巫謬妄極論以爲不可其議遂息而孟書復全

高公熙字應昌寧德人孝友天性臨財以義親沒廬墓二

年教授鄉閭暇卽至墓所拜哭洪武開舉孝廉召對稱
旨授海鹽知縣著詩集傳解

陳公道潛字孔昭莆田人建文庚辰進士授給事中與楊
文敏榮同修國史文敏時稱其學行又著有拙齋存彙
永樂初謫判夷陵起監察御史預修性理大全諸書於
時纂修諸儒卽翰林春坊多不得預公行己恭慎學問
該博故得在選時聞縣陳公景著長樂陳公全莆田黃
公約仲陳公用亦皆預修

王公源字啓澤龍巖人永樂初進士選庶吉士出知深澤
縣修學教士築堤捍水禁嫁娶論財象疏言民事有旨
道南源委

卷之五

七

正誼堂

召用會西域有異僧到成祖厚待之公條陳時事并及
焉成祖怒下錦衣獄會赦復原職有蝗不入境雨不出
疆之謠陞春坊司直郎侍太子諸王方講說閒王忽他
顧曰臣所講者皆治平要道何勿見聽王爲改容遷松
江同知奏罷進糧數十萬平反誣繫左道獄二百餘家
用薦陞職方郎中出知潮州郡有暴虎爲害已久至是
渡惡溪法城西湖山有怪石爲祟令除之祟遂止郡治
火仰天拜祀尋反風吹滅年八十卒著有章庵集書
傳補遺家禮易覽及異端辨

林公誌閩縣人初生時父夢寶誌入室因取名焉及四五

歲母口授經書輒能記誦十歲日記數千言從王侗遊
侗奇之時出論辨見鋒鏃以折長者侗日比非所以求
益爲字曰尙默因痛自克治沈潛涵浸學問久而益富
永樂中鄉會試皆舉第一殿試一甲第二名授翰林院
編修預編性理及四書五經大全歷代名臣奏議書成
受賜賚陞修撰厯官右諭德兼侍讀宣德元年預修兩
朝實錄公善事父母湯藥必親嘗喪葬謹禮待宗族有
思在官恭勤趨事其學究博經史百氏星厯醫卜咸得
領要爲人刻厲深切後學多從質問著周易集說

唐公泰字師廓長秦人資稟穎異通曉五經尤邃於易登
道南源委

卷之五

八

正誼堂

永樂乙未進士知祁州有惠政後以文學薦辟召赴文
淵閣試麒麟頌明倫論稱旨欲大用之因大駕北征乞
歸侍養四方之士受業日眾如陳公貞晟謝公瑾林公
震陳公疊皆出其門著思誠齋銘學者稱東里先生

李公貞南靖人志行超羣文章振藻永樂十三年進士及
第第二人授翰林院編修與儒臣同修經書大全性理
等書受賞賚後以不肯預修佛書貶高州教授卒

蔣公輔字廷佐龍巖人父永迪隱居立鄉約遵行家禮公
宣德己酉領鄉薦厯官興國府教授教育人才以文學
稱爲人恬澹有識鑒謹事繼母爲學以存心爲主學者

宗之與鄉人講行藍田約年八十三卒著泉巖文集

曾公景修名生以字行莆田人學尙躬行好深沈之思持辨博之論永樂閒貢入太學厯官德安教授與諸生處情同家人答問講解終日不倦出其門者才質高下各有成立著大學中庸詳說

鄭公杓字子經莆田人常著春秋解義表義覽古編次夾深餘聲樂府又有衍極書專評字書吳公與弼謂考論文字之學此爲最正宣撫使齊伯亨採其書上之

方公澗字源深莆田人正統四年進士授行人時年五十餘矣猶執經講說叩問紛如尋求致仕以教授爲業未

道南源委

卷之五

九

正誼堂

嘗輕入城市生平邃理學動率禮書嘗歎文公家禮雖經諸儒註釋而去取或晦朝代遷改冠服不同於是作家禮列圖於首而條析其下鄉人宗之自號柳東耕老學者稱柳東先生子和叔孫岳山嶠宜賢俱有時名

林公雍字萬容龍溪人登景泰甲戌進士授行人以節操自厲憲宗初立上疏乞修德格天親賢講學復請進濂溪二程考亭於顏曾師孟之後例爲八配兼祀陳北溪於兩廡並不報舊例諸司屬吏部考察公獨不赴曰使某不肖黜之可也安能隨行俛首言科目貫籍耶歷遷

鶴部郎中乞歸結廬龍山叅徵不起與陳剩夫相師友

日進徒侶講明正學倡建陳北溪祠於芝山之麓與鄉人月爲一會修藍田呂氏鄉約剩夫稱其學始終本末有序有要督學周公孟中謂公居官冰蘖未老乞歸清風高節海內傾仰漳中北溪之後得正學之傳者首稱剩夫與公二人而已學者稱蒙庵先生

林公玘字廷珍侯官人十九領鄉薦天順八年會試第三人成進士家居卅有七年以易學倡教東南從游者屢滿蔡文莊清亦往師焉既終大事赴京授刑部主事陞浙江僉事提督銀場宏治庚戌景寧賊吳大兒嘯聚擄掠有及閩中政和浦城諸邑眾議屬公勦捕公發屬縣兵快分駐要害以精銳千餘人直臨其穴破之遁入松溪險隘先爲所據眾難之公曰賊勢已感攻之必下遂追逐之得其渠魁斬戮數百人餘黨逃入慶元景寧閉公復檄巡捕官就殺之生擒三百餘人尙有散匿山谷者眾請盡殲公恐濫及無辜出示準其投降又有遂昌黃巖等賊聚眾至萬人聞之膽寒公又預爲形勢疑之皆自解散陞雲南副使雲南華彝雜處既至別名分重禮教風俗一更以年老乞休許之公行誼政治本自過人而文學復優所至上下翕然歸重其卒也自有位以至鄉民咸痛惜之弟塘

道南源委

卷之五

十

正誦堂

瑄字廷玉舉於鄉十年不赴後登成化十七年進士歷官御史言愼名器厚國本七事出巡雲南劾參將繼麾下殺人之罪辨士官謀叛之冤僚屬莫不被憚轉南京督學諸生成慶得師其卒也與真西山同祀覺宮稱林道學

舒公冕字廷瞻武平人以貢入太學游胡椒齋之門得用功之要服膺靡懈冠婚喪祭悉遵家禮閨門雍肅三世同居父母有疾衣不解帶既沒廬墓三年

陳公真晟字晦德改字剝夫漳浦人浦邑濱海患倭洪武間置鎮海衛公之先世自泉中來成於此因家焉公丰道南源委

卷之五

十一

正誼堂

格高聳神氣肅清望之非塵埃中人也年十七八卽能自拔於俗厭末作之蠹心惡異端之害道專心致志以儒爲業入長泰山中從進士唐泰治舉子業業成薦於有司至省試間有司防察過嚴曰非所以待士士不宜以此自待遂辭歸自是不以科舉爲事用心聖賢踐履之學初讀中庸竟無統緒讀大學乃知次第執以爲據又讀大學或問得朱子主敬之說曰此大學之基本也及求其所以爲敬則見程子以主一釋敬以無適釋主一始於敬字見得親切實下工夫推尋此心之動靜而主於一曰養一於靜則容念不作矣持一於動則外誘

不奪矣嘗語人曰大學誠意爲鐵門關難過主一二字
乃其玉鑰匙也蓋意有善惡若發於善而一以守之則
所謂惡者退而聽命矣又曰人於此學若真知之則行
在其中矣然而氣稟有偏勝嗜欲有偏重此學問思辨
之後故又加以篤行也天順三年用程伊川故事詣闕
上程朱正學纂要其書首採程氏學制次採朱子論說
補正學工夫次作二圖一著聖人心與天同運次著學
者法天之運次言立明師補正學輔皇儲隆教本數事
以終圖說之意書未上疏乞先召見而後陳說不報及
書上下禮部議宗伯鄒幹漫不知其說云何其事遂寢

道南源委

卷之五

十一

正誼堂

歸家讀提學使者頒行敕諭教條有主敬窮理修己治
人崇正學迪正道敦尚孝弟忠信禮義廉恥等語喜曰
此學校正教也然學校旣崇正教則科舉宜定正考因
採敕諭中要語參以程氏學制呂氏鄉約朱氏貢舉私
議作正教正考會通定考德爲六等考文爲三等各有
案例可據而行又纂長書以告當道諸君子諸君子亦
不能推行其說其事又寢公學有所得者至是皆無所
遇間臨川吳聘君賢欲往質之乃貸其家之直得五金
攜其兄子以行戒之曰我死卽瘞於道題曰閩南布衣
陳某墓足矣行至江西張太史元禎止之宿叩其學亡

加稱許曰斯道自程朱以來惟先生得其真吳許二子亦未是如聘君者不可見亦不必見也遂歸鎮海初掘戎壘自公爲學而儒術始正自公與李公文舉諸先輩講行文公家禮而風俗始正公生於鎮海遷於龍巖晚定居於漳之玉洲自以布衣詣闕上書因號布衣年六十四卒學使周公孟中爲文以祭郡守彭公桓立石表道所著有布衣存藁藏於郡齋

陳公壘字尙勉漳浦人師事唐師廓與陳剩夫爲同門友登正統丙辰進士歷官吏部郎中文章政事爲時所重瓦刺犯邊守臣失策作備邊禦戎策以獻天順四年廣

道南源委

卷之五

三

正誼堂

東盜起廷議必得陳某乃可除廣東布政使時英宗初辟勵精圖治召入內殿賜宴遣之既至密相機宜討平新興撫定德慶蓬州等峒賊患遂息以疾乞休著有經籍要覽梅庵存藁羣從多以科第顯

趙公珪字德用晉江人宋宗懿王德昭後也成化元年領鄉薦第一明年成進士歷官廣東提學僉事卒於官公幼孤苦學身體力行造詣淵邃爲人重名教尙氣節羅文毅倫謫官泉中就公講學豆肉孟養終日乃去在廣時訪陳白沙往來辨難不苟爲同白沙論學禮文雖不可不講然非所急公貽書曰浙人正以胡餘干不教人

習四禮爲疑何又開斯路白沙自號海雲公曰此禪號也
也不可白沙曰羅一峯死僕哭之慟以爲今而後無復
有如其人者不謂於執事見也公旣善氣節又名知文
嘗會試同考官首薦謝文正遷爲翰林諸公所壓公批其
卷曰異日狀元拜相必此人也試文瓊州謂人曰吾所
取前列諸生將來受用反不及下等者諸生果以渡海
失舟而下等者無恙人服其鑒

林公瀚字亨大閩縣人父元美歷官撫州知府公廉持大
體吳聘君與弼獻金井水玉壺冰六字以況其清公登
成化二年進士選庶吉士以學行醇正糸遷至國子祭

道南源委

卷之五

古

正誼堂

酒有恩而嚴屢與章懋講論爲懋所重上疏請開科貢
以進人才陞吏部右侍郎以膳金之餘鬻置僚屬公署
再陞南京吏部尙書鎮定不搖人倚爲重會災異率僚
屬陳言皆切時政時御史王獻臣被逮疏乞寬宥以全
風憲之職儒士孫伯堅授中書舍人出傳奉乞收回成
命以杜倖進之門忤旨自劾不報復疏請培植根本佑
啓皇儲撫綏百姓增進賢才數事改兵部尙書因災異
會陳數事剴切無忌逆瑾亂政嫉公正直值大學士劉
健謝遷致仕公閱報歎息御史薄彥徵等上疏請畱兼
言上晏朝廢事日與新進佞倖游飲射獵上大怒械繫

彥徽下鎮撫司獄鞫之詞連公出爲浙江右參政致仕
瑾後矯旨列公與健遷等爲奸黨瑾誅御史凌相汪正
等言公德尊望重詔復舊銜賜人夫月廩有司時加存
問卒贈太子太保諡文安公居官潔修而賓客過門必
極款洽里居時年雖高邁而泛應周旋禮意勤懇簡答
題封皆手自治爲人內柔外溫至方若圓至勇若怯無
卑賤愚不肖處之若一獨非意相干者卽之始知其不
可犯也五子皆登科第諸孫多貴顯兩世之內位至尙
書者與公而五世稱五尙書林氏

黃公仲昭名潛以字行莆田人祖壽生建文初與兄同舉

道南源委

卷之五

五

正誼堂

鄉試求歸侍養永樂六年再舉鄉試第一明年成進士

歷官簡討預修經書大全性理諸書爲人莊重敦行兼

通百家尤邃於詩莆之詩學羣推爲祖父嘉有孝行用

薦爲安福訓導陞東鹿知縣有禦敵功賜敕旌獎去邑

之日百姓攀留公與羅公倫章公懋莊公昶同登成化

二年進士選庶吉士以名節相激勵踰年莊除檢討而

公及章皆除編修是冬命詞臣預撰明歲元夕煙火花

燈詩公曰翰林之官論思爲職今觀燈火詩舊式每多

鄙褻之言非儒臣所宜爲遂與章莊連名疏論忤旨廷

杖左遷時稱三君子而羅先以修撰論學士李賢被謫

又稱翰林四諫未幾改授南京大理寺右評事清守執
法連居父母憂卻去葷酒不離苦塊者四年遂辭疾乞
休弘治元年起爲江西提學僉事品文校行毫髮不差
再疏致仕生平氣岸屹立思致安詳凡所著述皆羽翼
程朱嘗辨易卦未濟春秋褒貶雅風升降及編次或問
裁定通鑑證異書法皆有精識又刊布冠婚喪祭之儀
以示後學所修有八閩通志延平邵武府志南平縣志
又與周翠渠共修興化府志著未軒集八卷豐城楊公
廉採其學行入理學名臣而子孫多以科第顯

周公瑛字梁石初號蒙中子後稱翠渠先生漳浦人其先
道南源委

卷之五

六

正誼堂

世洪武間自莆田調戍於邑之鎮海衛因家焉惟時衛
所雖建而學校未興公由邑學生領正統癸酉鄉薦素
上春官不第益汎濫羣籍鈎深探索成化己丑成進士
知廣德州陞南禮部郎中出爲撫州知府調知鎮遠秩
滿歸省弘治初玉端毅怒爲吏部郎卽家起四川參政
尋轉右布政丁內艱除服乞致仕給事中楊公廉吳公
世中交薦其學行起用弗赴公知廣德時著祠山雜辨
以戒民尙鬼著教民雜錄令民葬祭循禮經母或溺殺
子女爲耶時欲推明蔡氏邵氏書則著經世管鑰律呂

管鑰欲字學有所師承則博採諸說作字書管鑰守撫

州時興水利則著政本第輸納則著政均嘗謂學者曰
某聞人心無外以爲有外者非也聖人靜有以立天下
之大本動有以行天下之大道由體及用一以貫之其
餘爲學皆由博以反約博者萬殊也約者一本也求諸
萬殊而後一本可得一本既得則所謂萬殊者亦可推
此以貫之矣某得以言其功程次第蓋始學之要以收
放心爲先務收放心居敬是也居敬則心存聰明睿智
皆由此出然後可以窮理所謂窮理者非謂靜守此心
而理自見也蓋亦推之以至其極焉耳孟子曰萬物皆
備於我此言人心無外也不卽物以窮理其能盡此心

道南源委

卷之五

七

正誼堂

之體乎故自性情之微以及形骸之麤自食息之末以
及綱常之大自六經之奧以及天地萬物之廣皆不可
不求其理求其理謂求其自然與其當然又於自然當
然中求其所以然積索既多自然融會貫通而於一本
者亦自得之矣自作墓誌言於居官行己頗知畏天命
凡事每自檢於心求合於天而人有不及知者惟人不
及知而暗合於天則恆自喜曰此吾學之得也年八十
餘郡守某聘修漳州府志卒贈侍郎楊公廉編入理學
名臣所著詩文有水雲橐金臺橐金陵橐桐川橐臨川
橐共若干卷又有廣德志蜀志漳志莆陽劫史子大謨

博學能文登正德甲戌進士會試第二人

吳公仲珠字涇夫莆田人少精學業疏於世故登成化乙未進士授義烏知縣以公錢助喪爲御史所按歎曰士何往不自得哉遂拂衣歸家居授徒分晰經傳奧語以訓後學著有四書詩經講說

黃公澗字源續莆田人成化庚子領鄉薦卒業太學爲丘文莊所器重從游者數百人第弘治癸丑進士選庶吉士授編修以母老告歸十餘年母終復起充經筵講官講尙書論語以戒佚游遠佞人爲言武宗改容嘉納歷遷南侍讀學士乞致仕公學問淵永儀度閒雅寡嗜欲

道南源委

卷之五

六

正誼堂

恬仕進所著有經書資講子肯堂孫洪毗俱有才名

宋公端儀字孔時莆田人祖勸爲沐陽訓導博雅好古教約不煩而真意懇切父汝勤安州學正作興人才一變

舊習公登成化辛丑進士歷官提督廣東學政身先表率痛抑浮誕奇險之習課士所至瘴鄉海澨莫不涉歷竟以勞卒廣人祀之學宮生平孝友天性廉介自持稽經訂史汎濫淳蓄而於程朱微言緒論無不究極凡所行止俱有依據所著有考亭淵源錄莆陽人物備志鄉賢考訂莆陽遺事莆陽舊事偶錄立齋閒錄祠部典故高科考備遺錄子元翰弘治乙卯鄉試第一知潮陽有

政聲姪元岳著文廟考四禮節要

蔡公清字介夫晉江人成化十三年舉鄉試第一境內之
山作玉磬鳴者三日登二十年進士卽謝病歸講正學
江南之士多來從游他日爲其母寫容母愀然曰吾聞
母以子貴汝舉進士有年矣吾仍故巾幘也公聞命大
哭赴選得禮部主事冢宰王恕矜其學行奏改吏部時
與談論咨訪因上管見二劄言今朝廷之患在紀綱廢
弛以至士風日弊民力日屈當大有以振作之乃可又
引薦名士劉大夏等三十餘人恕皆納用庶吉士鄒智
論事下獄罪且不測公急自於大司寇何喬新得疏救

道南源委

卷之五

七

正誼堂

謫官丁內艱服除補禮部祠祭司員外乞養親陞南吏
部文選郎中一日心動乞終養至家兩月而父歿眾稱
孝感正德改元起江西提學副使時宸濠方圖不軌凡
朔望藩臬官皆往朝宸濠次日乃謁孔子廟公至力請
其僚同日行禮先謁廟而後朝王宸濠生日令藩臬官
朝服公曰此臣子見君之禮也非所以見王去鞞而入
宸濠大怒一日眾官侍宴宸濠嘲公不能作詩公對曰
臣平生於人無私蓋詩與私音相似宸濠銜之其後奏
求護衛讒言者謂有後言宸濠欲誣以非議詔旨之罪
公正色對遂疏乞致仕宸濠陽善挽留之且欲以女妻

其子公力辭歸時劉瑾方專權欲引名士以掩人心未數月起爲南京國子祭酒朝命未下而公先卒公色清氣和外閒內辨凡論天下古今一以禮義折斷其言剴切而精深其淵軌貞風使人安消躁息其學初主於靜後主於虛謂天下之理以虛而入亦以虛而應因以虛名齋嘗爲密箴不以示人積久至五十條皆自砭自鍼之詞兢兢然惟恐負慚天地君親得罪師友以虛心涵泳切己體察八字爲要訣嘗曰宋儒之道至朱子始集大成朱子之學不明則聖賢之道不著故與其徒著四書蒙引諸書皆推原朱子之意弘治閒理學中輟至是道南源委

卷之五

三

正誼堂

公與楊廉作乃復振興性好施自宗族以至門徒貧者賴以衣食死者與之殯葬嘗曰天地閒物當與天地閒人共一介不取士當然也一介不與故未易耳遇親忌痛哭流涕終日不酒肉贈禮部侍郎諡文莊

林公有年字以永莆田人少孤事祖母暨母盡孝以弘治壬子舉人會試乙榜授蕭山教諭大母沒終制補東莞謁張詡於南海訂朱陸異同闡明正學階梯以端士習潘督學稱其好古甘貧疏舉自代不報母沒廬墓有遭火反風之祥服闋擢繁昌知縣捐俸賑荒蠲蘆洲課枓義冢修橋坊最上擢南御史一歲中凡七言事武宗欲

迎生佛於西域公上疏曰臣聞明天地之性者不可惑
以神怪彙萬物之情者不可罔以非類若佛老之流乃
神怪之甚非類之尤者陛下不以外國爲遠不以有司
供應爲費救遣內臣迎取活佛於人所不到之地是豈
表正萬邦之道耶復引梁武事爲戒上怒逮詔獄謫武
義丞嘉靖改元復御史擢知衢州府毀淫祠勅社學選
塾師以訓民間子弟公餘臨視親爲句讀衢驛孔道供
億不給立節省法視昔減半值久旱竭誠而雩歲反大
饑邑有被火者捐貲賑之饑則爲糜以餉秩滿當遷郡
民乞畱擢廣西憲副未上爲忌者所擠致仕臨行老稚
道南源委

卷之五

三 正誼堂

攀轅泣別立德惠祠請方公豪爲記

鄭公守道字用行侯官人學務窮理嘗主白鹿洞教事著
太極圖說意并易乾坤上下繫辭解大學講章深思精
詣能闡周程之祕大有功於來學

王公應山字懋宣侯官人兄應鍾字懋復講學道山而公
亦以春秋教授於武夷閒四方從者如雲詩宗大厯婉
而多致監司守令嘗式其廬老益苦心編摩著作甚富
有經術源流又有闡大記以識閩中文物之盛

許公判字資黻漳浦人父潛以舉人知平樂縣息訟課經

邑民德之公領正德二年鄉薦通判瑞州嘗舉催科中

撫字刑罰中教化之語以爲名言朝夕諷誦爲治六載
上下悅服擢辰州同知蠻匏悉安教化常著家禮及諸
書附註以相發明而約歸於儀禮禮記之義爲禮圖及
慎終集歐蘇譜例古深衣訂皆可傳述子選天性謙和
以舉人知太和縣端己教人請蠲無徵米若干石

林公春澤字德敷侯官人登正德九年進士起家戶部郎
謫寧州同知移判吉州遷肇慶府同知烏寇掠高州檄
攝府冢公習知徭兵害民悉罷遣之代以土著諸寇次
第就擒擢南刑部郎出知程蕃府擇者德文學之士分
布諸寨爲童子師時臥龍金石二司暨通州塞屢年失
道南源委

卷之五

三

正誼堂

地公與指揮協謀平復功未上爲忌者所中以候調歸
公少年工詩詞藻秀永與鄭繼之何景明齊名在吉州
與羅整庵講學其在南曹復北面呂宗伯枏究極旨奧
年百有四歲卒子應亮戶部侍郎孫如楚工部侍郎各
享眉壽

劉公閔字子賢莆田人絕意科舉凡禠躬訓家必以聖賢
爲法祭祀奠獻一遵禮經以父柩及祖母柩未葬遂斷
酒肉遠房室雖授館鄰邑而朔望必歸哭殯所如是者
三年鄰族憐之爲之助葬婦失愛於母逐之終身不娶
溫清定省疾不解衣母或有怒則竟夕跪床下副使羅

公環立社學延公爲師提學周公孟申捐金助養太守
王公弼每遇祭祀必延致齋所曰此人能消鄙吝豈減
黃叔度耶亦置田資之公并受不卻及母卒卽送田還
官廬墓三年歲出弟婦求分異闔戶自搥感悟復舍弘
治中林貞肅俊言其恭慎醇粹孝友高古德宇道風自
見難比願禮致入侍東宮必能涵煦陶薰有所裨益不
報正德元年遙授儒學訓導所著有家禮考註昭穆圖
宗子說五倫啓蒙孝經刊誤等書

張公岳字維喬惠安人祖翰字仁伯事父孝謹每得父書

必拱手正讀珍藏寶重父愼字公謹知英德縣悉心爲
道南源委

卷之五

三

正誼堂

民作龍山書院以居諸生政服爲講論經旨及古人行
誼邑人祀之公少好讀書究心程朱正學舉正德癸酉
鄉試第一見鎮守太監但長揖太監怒曰汝豈琉球生
耶明年成進士與同郡陳公琛林公希元同寓僧寺閉
戶講書共賃一驢三人迭騎或聯袂走市中時稱泉中
三狂士居一年授行人武宗南巡與同官諫止下獄罰
跪廷杖時杖者七人武宗曰有不死者于一秀才官得

國子監學正世宗登極復舊職連丁諸艱結草家居御
史彙豹造廬請見時王文成倡良知之說學士翕然從
之公渡江見文成持程朱遺說當之文成摘駁殆盡公

曰朱子何可毀也閒縱小異奈何并其大而疑之既別去文成謂曰子亦一時豪傑可畏奈舊聞纏繞耳歸與文蔚諸君商之文蔚者文成弟子卽聶豹也公與講論復不合因自立存養四條威儀動作之節十七條以爲學則縣之北壁曰吾自爲學居敬窮理聖賢所指以教人者耳凡晝夜讀書皆有課程天文兵法稗官野史亦軌旁涉服闕補主客郎時方議禮公與張孚敬不合出爲廣西提學僉事未幾改江西是時江右方尊王氏學公約諸生第於程朱著蔡守之以忤孚敬意謫廣東提舉而孚敬復授意巡按御史每借事難公公不爲屈遂

道南源委

卷之五

五

正誼堂

劾之會報守廉州公入見御史乃言相意追還劾書廉邊安南吏治皆虛公至省禁令減徭役勸民耕種復教以取水之法居四年不問珠池暇卽讀書堂上削等威與諸生相師友廉士皆知學安南久不修貢朝議將討而郡縣之公具疏陳狀會擢浙江參政而莫福海入款問張廉州安在曰是欲以恩信撫我者何可忘耶於是參贊毛伯溫奏還廣東爲畫所以受降之策甚備安南平擢僉都御史撫治耶陽旋改江西賈谿相夏言方治生家藩司議廣信七縣各措千金公曰將範金爲椁乎

縣百金足矣分宜嚴嵩奉賜建延恩閣公批牘予千金

羣相顧請益予五百金再 弗予也世蕃大怒或以告
公公曰自分定矣寒骨稜稜止少馬革一張而已嘉靖
甲辰陞副都御史提督兩廣明年春封川賊有僭號稱
王者悉討平之斬首二千五百級諸獍悉平陞兵部右
侍郎卒贈太子少保諡襄惠著有聖學正傳載道集更
定禮記恭敬大訓兵鑑諸書弟峯子雋孫迎俱相繼登
科第

卓公居傅字起巖莆田人精於經學開館鳳山執經問難
者前後數百人以鄉薦授金華訓導教迪有方青衿競
奮登正德丁丑進士賜歸省一時士類競趨其門終刑
道南源委

卷之五

五

正誼堂

部主事所著有書經四書臆說學者宗之

史公于光字仲裕晉江人生有異光故取名焉父貧且老
公歡承之致喪如禮讀書癯疾不廢舉正德癸酉鄉試
不就計偕日仕不及親奚亞爲丁丑成進士選翰林庶
吉士未幾乞歸居五年起授吏科給事中大禮議沸公
據張孚敬疏條析款辨尋又病歸居四年復起時諸臣
以議禮得罪者未蒙召復公上疏言臣聞聖人之喜如
春其怒如秋天道在我也該臣皆陛下所親拔擢欲與
共圖治理以茂中興者而盛 謫已兩閱歲伏望早沛春
生之仁卽賜起用不報嘗 嘗試分考得士多雋異以

疾卒京師間者莫不悲悼公通籍十一年在諫垣者二載餘皆家居夔甚授徒自以有以非分求者因其妻以告公公佯許之曰阿堵物必在妻出視之公面空跪呪曰倘受此子孫絕種矣著其解四書解正蒙解等書

田公頊字希古大田人爲文竒奧初領鄉薦計偕不赴後登正德辛巳進士歷官禮部郎中與張公治具廖公道南王公用賓鄭公善夫輩訂墳典談藝賦詩及督學湖廣開濂溪書院規飭諸生相與講明性命經濟之學遷貴州副使以母老力疏乞養時年方強或勸暫畱而孺慕之心雖三公不易撫按薦章五上公終不起母年道南源委

卷之五

正誼堂

九十七終公攀號躡水漿不入口家居三十年絕迹城府流賊犯境出私貲募死士環守賊因以遁邑人德之

黃公三陽字元泰建陽人通易詩禮三經弱冠便開講席從游千數他如天文地理陰陽醫卜靡不究心以恩貢同知吉安州罷運儲常例履畝均輸悉心經營廉而有惠擢保定判卒於官吉人祀之所著有易禮詩各講義

同治五年夏月福州
正誼書局重校刊

侯官楊 浚雪滄總校

侯官蔣錫璠魯士覆校

閩縣陳 樞少舫分校

侯官陳承基端甫分校

道南源委卷之五終

道南源委

卷之五

正誼堂

道南源委卷之六

儀封張伯行孝先重訂受業晉江陳石鍾校

林公明

林公希元字茂貞同安人正德十二年進士授南大理評

事世宗登極條上新政八要大略言君道在勤正學親

正人而息中官幾務罷中官鎮守所以清政本塞亂源

上嘉納之遷寺正與堂官陳琳議獄事不合降泗州判

泗大饑朝廷發帑賑濟公悉心推行有哺聚九百人單

車往諭悉解散用方獻夫霍韜等薦陞廣東按察僉事

提督學校時劇賊王幾作亂公署按使篆即日率府衛

道南源委

卷之六

一 正誼堂

兵討平之陞南大理丞上王政疏爲目二十有一嘉靖

十二年大同軍叛公上疏請誅不從未幾遼東兵又變

公言往者大同之變朝廷過爲姑息以故悍卒咸生輕

侮一有觸發攘臂而動大臣因循不振致其益驕而朝

廷威令益削上責其妄言謫欽州會安南不貢擢爲海

北道兵備公意在進征與督臣所議互異竟罷歸而安

南畏公之威懦懦歸命前此所據四峒竟復我版圖矣

公讀書遲鈍而刻苦殊至研理釋文極其精專束髮以

來慨然有志當世一入仕途執其所學用之經濟直以

唐虞三代爲必可追晚年參訂諸儒所定大學格物致

知之說附以己見曰更正大學經傳定本又著四書易經二存疑學者至今尊尚焉

林公同字直正晉江人受學李雁山雍後又從蔡文莊游益知原本由弘治辛酉舉人歷任樂陵萬載教諭金華教授所至以平生所傳習者與諸生講明早晚有常寒暑不倦其於廟廡神案必致清潔祭祀必極其誠巡按唐公龍學使邵公銳大加歎賞兩典湖廣陝西試所得皆名士陞兩浙運判不刻不濫商竈皆悅內閣張孚敬家居海上亦竈籍也懼海賊時至將城瀕海工費責之竈丁當事皆唯唯公曰費且不貲既不上聞奈何專之

道南源委

卷之六

二

正誼堂

以問竈丁無一願者遂報罷亦尋乞歸公弱不勝衣而內養充完訥不出口而講論道德性命深中肯綮日與鄉叟談說農事雅俗相忘所著有正學蒙引龍峯遺集王公宣晉江人受業虛齋之門嘗論學者合朱陸爲一便非真知領弘治十七年鄉學會試不第遂養親爲志終身不復應舉爲人廓落豪邁俯視一世精研前聖之遺洞貫百家之旨林希元稱其自得之學不滯於章句絕俗之行不混於塵俗薦之於朝

陳公琛字思獻稱紫峯先生自以其意爲朱子之學初受業於蔡虛齋虛齋曰吾所爲發憤沈潛而僅得者以語

人常不解不意子已自得之延禮之如朱子所以待季
通者督學江右請與偕行歸而設科學宮之徧四方從
學者甚眾嘗言太極事事物物無不各具吾人耳目所
見有常有不常心思所測有得有不得此高深大小微
顯遠近精麤常變異同所由分而學者之進入無難易
教者之指引不容無差等也其所記述以授弟子則有
書易經淺說二書其族弟御史讓謂虛齋蒙引得聖學
之精深閒有意到而言未到及其所獨到則可以發朱
子未發思獻淺說得聖學之光大意到則言無不到及
其獨到又可發虛齋未發而公每日謂此訓詁之屬更

道南源委

卷之六

三

正誼堂

欲門徒得夫勵進退大節破名利兩關言峻行古與之
游塵埃之外而細論夫顏子彌高彌堅者是以一時從
學之士多有洞視今古傲睨宇宙之懷初應正德丁丑
會試考官尹襄得其文歎曰造詣精深此必陳白沙門
人否則蔡虛齋也釋褐授刑部主事歷吏部考功以母
老乞歸嘉靖七年詔起不應八年再起貴州督學僉事
俄改江西皆力辭家居偃仰一室或適然孤笑或喟然
獨歎或縱步行陌與農叟敘故談歡爲文層層嶄嶄發
性露光虛齋沒後道德行誼無愧師門者一人而已公
兼眸爛爛玉色金聲美髯蒼骨皮肉細膩手紋如亂絲

曾有不瘕三四寸其卒也所居後浦潮汐不至者數日
士大夫惜之爲祀於學憲安張岳祭以文曰嗚呼紫峯
一世人豪有蟠屈萬古之心曾有瀉落長江之辯論有
避世之深心而非玩世無道學之門戶而有實學時稱
實錄

蕭公崑字叔岡將樂人從蔡虛齋受易正德丁卯舉於鄉
授淳安教諭尋補績谿己卯聘粵闈分試途次爲濠逆
所執欲降之公慷慨言曰殿下違祖訓干天命復欲辱
義士乎竟不屈死

趙公建郁字本學別號虛舟本宋宗裔世居晉江爲蔡文
道南源委

卷之六

四 正誼堂

莊高弟結廬鍵戶悉心著述著有周易學庸說杜詩註
且謂昇平日久人罕知兵因卽易演爲陣法集鞞鈴內
外篇凡七册解引孫子書凡三册稟就封識以俟其人

俞大猷往受學焉
黃公芹字伯馨龍巖人喜怒不形端謹無惰從學蔡文莊
正德九年以歲貢授海陽訓導郡邑有疑事成就質焉
以親老乞歸著易圖識漏易經口訣史圖纂要家禮易
行等書

黃公光昇字明舉晉江人父綬萬載敘諭爲人剛方動遵
古法受易於蔡虛齋公登嘉靖八年進士爲吏部選人

卽明法律書數考論國家享故授長興知縣理煩治劇紀綱肅然擢刑科給事中以艱歸服闋起兵科以劄介不阿時相出爲浙江僉事遷參政修築海塘以收水利陞廣東按察使時海寇爲患公下令能捕獲者予所獲財物寇遂息外番以市來者歲課爲羣吏侵獵其人纔什一公戒秋毫無取番稅十減其六而課入反倍安南莫正中與莫滋翼爭立敗而來歸其酋范氏潘氏以兵攻欽州索正中殊急公密授主將俞大猷方略伏兵挫之二酋奔浚翼斬之以獻尋率其黨聽命安南以安已而復有討定猛黎及俘新會賊功遷右副都御史巡撫

道南源委

卷之六

五

正誼堂

四川疏上採辦丹砂麩金及勻停水陸郵傳歲省民財數十萬會建三殿需巨材夥且急公量程郡邑大小道里遠近責監司董長吏入市之士番而身與按臣其監之世宗獎其勞擢兵部侍郎總制四川湖廣貴州三省討叛苗撫降二十八寨再擢刑部尙書所獻楊選嚴世蕃海瑞三獄委曲平停得從寬減隆慶初請老居四年召爲南京刑部尙書尋罷免公爲人嚴重謙退而達於事情先世田廬之外少所增拓晚與搢紳者舊爲洛社游劇飲不亂年八十一卒贈太子少保諡恭肅著有四

書紀聞讀易私記讀書愚管讀詩蠡測春秋采義歷代

紀要昭代典則陶集杜律註解子喬棟事父至孝以蔭授臨安知府有廉名著十三經傳習錄讀書管見

林公學道字致之莆田人體不勝衣言不出口而向道甚勇義利之辨甚嚴終曰正襟危坐非寢不脫中履初從蔡文莊受學嘗游吳下有僉事某者延至其家既而問其居喪宴會曰非吾徒也遂去之徐文貞階謫延平願請一見竟不造門至嘉靖閒以貢授都昌訓導文貞亦督學江西喜曰吾今得見林致之矣爲公題像曰顏勤閔孝柴愚參魯若在聖門依稀參伍終無爲州學正辛學者私謚曰貞修先生與中三庠俱祀之著原教錄

道南源委

卷之六

六

正誼堂

蔡公烈字文繼龍谿諸生也受業於晉江蔡文莊文莊授以太極圖既又從莆田陳時周游時周語以心體流行於日用閒要參見得參前倚衡氣象遂大省悟年方壯隱居鶴鳴山之白雲洞郡守勸之仕對曰昔漆雕子自謂未信若某豈徒未信已哉實且未見也嘉靖癸未以遺逸應薦力辭母老不赴御史李元陽檄府爲建書院又辭不受忽所居之山如雷鳴者三日而公卒公初性剛方晚年充養和粹終日危坐非劇病無惰容雖大橫逆不見怒色嘗游武夷山居考亭精舍數日而歸曰腳根自此定矣提學邵公銳聞而訪之談論終日蔬食相

對副使柯公喬嘗與劇談道體潛天潛地公徐應曰道固察乎天地而端則始於夫婦若屋漏無愧則天地自位邑簿詹公道請論心公請論事曰孔門求仁未嘗出事外也堯舜之道孝弟而已矣夫子之道忠恕而已矣豐學士熙謫戍鎮海見公歎曰先生不言躬行某心醉矣朱提學衡曰力行好學老而不倦漳南又一布衣也所著有孝經定本大學格物致知傳道南錄朱子晚年定論諸儒正論大儒粹言讀書錄諸書

蔡公宗潤字克昌晉江人好古力學終日儼肅從蔡虛齋

受易學者師之領嘉靖四年鄉舉除餘杭令節約里甲

道南源委

卷之六

七

正誼堂

勸民孝弟力田刊四書講章易學正言以教士子厯建昌通判乞休家無擔石宛然自得監司守令造廬請見閑或一接終不報謝

李公世浩平和人敦樸好古少游蔡文莊門初家規正宗

法修鄉約建聚賢堂設義倉惓惓於和鄉睦族以歲貢

厯官寧波府教授士心悅服子文察字廷謨究心樂律

家居構一樓以審氣候因知黃鐘損益之音嘉靖中以

歲貢倅常州廉節自持奏樂律解章數萬言世宗大悅

令如議酌行授太常典簿終思恩同知

趙公瑞字維德泉州人少通春秋不務俗學而能得聖人

之意以進士授戶部郎出監蘅州太倉黃土諸倉及臨
清鈔關皆秉正執法常祿外不入一錢著春秋管見子
恆山東齊魯臨邑人字志貞登嘉靖戊戌進士以耳疾乞就教職得袁州督
學使者延置白鹿洞集諸郡英傑而師之遷園子監尋
改南都歷姚安守姚安苗俗淫僻爲定婚娶之禮土司
歛然郡介大理楚雄雲南之交諸採辦銅石鑄造齋運
宛午公請中丞爲嚴其禁中丞偉之著春秋錄疑行世
所作古文淵源司馬而條理於歐陽文忠年七十餘尙

秉燭讀書九十四卒子日新日榮日崇俱有名望

道南源委

卷之六

八 正誼堂

陳公祥麟字士仁莆田人嘉靖丙戌進士知東安縣朝命

征討田州道出邑治公指畫得宜犒餉悉具民不知擾

復省徭役革浮費均田里拓城池具學校禁巫覡改諸

淫利爲書院以廉能調麻城父老乞畱不許尋以足疾

改湖州教授嚴於約士而考課必勤遷南刑部郎當提

獄令人洒濯囹圄不深錮諸囚諸囚相語曰安得長遇

陳使君歷遷南安守治尙清簡政暇招諸賓僚登臨賦

詩擢山東督學副使二蒼頭自隨凡評文必兼改定遂

以勞卒生平樸訥醇確不務立道學名而行履端莊居

官仁愛自言筮仕以來未嘗置一人重辟亦未嘗謫戍

一人著有詩經四書正蒙

蔡公元偉字伯瞻宋忠惠襄後忠惠兩守泉州其三世孫
櫛再莅是邦四世孫忌因家焉公幼有孝弟稱旣爲諸
生憲副方豪挺爲弟子師見程端禮家塾日程皆宗晦
翁教人之法歎曰學當如是卽手鈔服行領嘉靖辛卯
鄉薦授羅田學教諭凡所教士卽舉業之中默誘之聖
賢之域擢德安令一以節愛爲本每退食必取小學近
思錄伊洛淵源錄及薛胡二子粹言揭觀成誦卽升堂
亦衷以出曰非曰忘之誠慮心官少放行事過差以此
當嚴師良友耳一時政事真有得於學道愛人之遺擢
道南源委

卷之六

九 正誼堂

撫州同知巡按御史委追樂安逋糧不加鞭朴皆相繼
輸納流賊焚掠鄰邑自著戎衣演武教場賊聞不敢犯
縣獄久壞風雨莫蔽公將新之縱囚歸家命獄成乃至
囚至期悉集復委署崇仁崇仁無城賊突至督兵合戰
數日皆遁去丁外艱葬畢以泉中倭患募建寧有考亭
遺風遂移居焉公學向程朱而重躬行其所致力惟在
飲食衣服男女起居動靜語默辭受取予之際其自治
之勤或至提縉少懈過失復生輒撫膺泣下長跪自罰
著有四書折衷易經聚正若干卷又著考德錄自識生

平行事疏松莊子

林公一陽字復夫漳浦人領嘉靖甲午鄉薦判濟南革糧
例歲以萬計年饑賑濟得法以漕運後期調霍丘令振
義勇均庸調行鄉約係甲法正鄉飲酒禮巡按洪公朝
選督學耿公定向咸器重之部使者不悅其恂質卒遷
唐府審理去邑民立石紀政公學以居敬窮理爲宗謂
道至程朱有何不盡何須別立教門其爲人坦夷寡慾
不言躬行宗族鄉黨莫不稱信嘗曰惟敬勝怠惟勤補
拙惟儉養廉後定向來撫閩中甫下車亟問故霍丘安
在而宿草滋矣檄有司祭於社表其墓所著有論學口
義詩文集又善臨池有晦庵白沙筆意

道南源委

卷之六

十

正誼堂

宋公效周字肇斯莆田人領嘉靖辛酉鄉薦由海陽教諭
陞和平知縣以德化民羣盜解散時制府徵令頌司公
移書規調遂劾論致仕居家絕迹公門教人以經書小
學爲常課謂嚮往須擇中守正造詣須積漸致精工夫
須循常務實所著有懜懜子躡躡言日格子正俗編等
書學者稱斯齋先生

吳公紳字克服別號一庵莆田人弱冠見胡敬齋居業錄
勵志習誦怡然有得由嘉靖丁酉舉人授德安教諭纂
君子臺日與諸生講論性學歷遷常州通判時趙文華
視師至郡凌轍守令遂投牒歸講學於鳳山寺嘗謂學

者曰爲學要看鄉人底事如何聖賢底事如何如不
論當爲不當爲只隨俗聽眾此鄉人事如當爲則爲不當
爲則決不爲拔乎流俗獨往獨來此聖賢事諸生今已
志向聖賢但須堅持初志久則可以超凡入聖不然吾
恐漸漸於慕聖賢淡處不免依舊入鄉人叢裏去著有
易通鳳山初言志學錄等書嘗避地居榕城復入南都
患難遷徙中學徒常滿又著有榕城語錄金陵語錄其
卒也門人私諡曰正學先生

阮公琳字廷佩莆田人嘉靖庚子舉人除金谿教諭爲諸
生講明正學擢知恩平勤撫字興學校文學吏治一時
道南源委

卷之六

十一

正誼堂

推獎以老句歸結景真會誘誨後進所著有經書講義
性理儀禮律厯註解圖書紀愚諸集

馬公森字孔養懷安人登嘉靖十四年進士授戶部主事

權九江關以廉能著知太平府治行甲於江南僉遷至
江西布政使疏請南糧改折省民間數萬金調爲刑部
侍郎遷大理卿與刑部尙書鄭曉左都御史周延得時
稱貫城三平遷戶部尙書以疾乞休穆宗登極仍以原
職起用疏請停止買金巨費以母老乞終養賜馳驛歸
服除屢薦不起居恆講明理學與歐陽德鄒守益羅洪
先相質正其學以程朱爲宗角巾野服所著有四書口

義書經數言周易說義春秋伸義辨疑地理正宗文集
奏議若干卷居鄉兩解脫巾之變郡有利弊必告當道
興除之郡人作祠以祀名曰報功

歐公志學字須靜莆田人淹貫經傳以貢入南雍海內交
重之吳中諸文學爭延爲師領嘉靖乙酉鄉薦知潮陽
縣興學育才人文遂盛歲餘乞歸留之不可開五經講
席四方負笈者相踵所著有四書淵源毛詩小見衍義
補要等書

葉公朝榮字良時福清人應隆慶改元恩貢授九江通判
潔己卹民負通畢登佐權關秋毫不染免商縉無筭臺

道南源委

卷之六

十一

正誼堂

使者賢之令攝瑞昌令有疏河功再攝彭澤有修城功
擢知養利州築城建學鑿塘墾田暇則與諸生談說經
術州俗一新卒之日書卷數函衣裳數襲而已士民立
祠祀之生平淡薄勤苦惟讀書宗理爲務四書五經性
理綱鑑默誦如流至老無一字遺忘尤精於詩自言吾
說詩不在文字於治亂興衰之故燦若指掌五經奧義
具在其中苟有用我舉此可行也子向高中極殿大學
士贈太師諡文忠相業經綸載在明史

吳公中立字公度浦城人隆慶辛未進士疏乞歸養父歿
一服闋仍不入仕居武彝山著述十有七年越中張太史

元怵入山訪之微諷以仕答曰士各有志萬歷十五年
廷臣袁洪愈等交薦召赴闕復力辭貽相臣書曰昔唐
元和進士費冠卿以祿不逮親永懷罔極隱於池陽九
華山御史李行修薦舉冠卿力辭竟許終隱愚願效之
吏部復言聖世禮賢首崇恬退必使清節之人得被寵
榮乃可以廉頑立懦風勸士人授儀制司主事後又推
尚實丞而公先期病逝矣著有易詮古本學庸大旨論
格物書性氣說諸編

盧公應瑜字叔忠順昌人隆慶丁卯舉人知遂溪縣遷潮
州同知治河有功挂冠歸養著書闡明格致一貫中和
道南源委

卷之六

三

正誼堂

夜氣之旨

周公一陽字養初臨漳人究心理學隆慶間新置海澄以
公應貢厯官儋州學正投檄歸嘗言大學言誠中庸言
中論語言仁孟子言仁而兼義乃虞廷授受祇一中字
故曰中也者天下之大本也其未發性也會一未發櫺
柄則隨所作用無施不可孫起元字繇貞萬厯辛丑進
士厯官都御史巡撫吳中以忤璫繫獄死

楊公道會字惟宗號貫齋晉江人隆慶戊辰進士初令黃
巖息訟緩徵厯遷工部郎權木南關政寬而稅額縮公
第如額報不慮縮額木商大感出知台州巖民襁負道

迎不絕倭寇不敢犯境遷廣西提學副使時臬僚多闕兼署諸篆視學之暇一平府江猺一平岑溪猺旣成功又仰屋歎曰猺雖平乎吏墨而刻豪蠹而侵此亂本也其可勿問遷湖廣參政分守荆南道道有香璫久與士大夫爲難公至驚爲神人轉布政右使值楚宗獄起公按獄但罪首禍者不干連多人未幾轉左自親王而下皆具禮待之曰大家巨族且厚本支況天潢乎因入覲乞歸許之公貞而不諒和而不流生平不齒榮利未嘗一至權貴人門嘗言理學盡於性理往鑑備於綱目因取性理精言採入程朱全書近思錄爲性理鈔修史依

道南源委

卷之六

齒

正誼堂

春秋綱目例纂成自作論贊有史綱節要行世弟道恆道賓俱有時名而道賓登萬曆丙戌及第第二人

盧公一誠字誠之福清人萬曆八年進士授行人歷遷南

京戶部郎江右守臣爲南昌新建二邑請改折邑多貴

人莫敢難公曰南都根本重地四方多故兵食日增虛

廩庾以自弱非計之得力格之白下士大夫俎豆王新

建招公入社講學謝不往曰吾不能口誦程朱而心叛

之也出知潮州毫無染指有點僚筦郡權乾沒多以其

餘遺公公怒叱之臺使知其廉欲并屬以權事公曰奈

何奪丞倅職無已請爲稽覈可耳凝操峻行爲守郡僅

見著四書講述行世

陳公第字季立連江人嘗謂易起於一畫包涵萬有初未
有文字也古今諸家皆言卦不言圖是舍本而尋末故
作伏羲圖贊一筆圓成不待奇耦離析而萬千五百二
十之策悉出自然又以詩本聲教宜可詠歌世人知文
不知音何以被管絃奏朝廟因作毛詩古音考又有尚
書疏衍麟經直指并雜著等書行世公起家京營歷任
游擊將軍而能精究聖經亦今古所希見

蘇公濬字君禹稱紫溪先生少以理學自任爲文出入經
史登萬曆癸酉鄉試第一人丁丑成進士授南刑部主
道南源委

卷之六

五

正誼堂

事丁外艱除補工部董慈寧宮事先簿正中貴人不得
爲奸利江陵相有疾九列爲視釐部尙書以祝詞命公
公弗屬也分校禮闈及督學浙江皆有藻鑑聲遷陝西
參議領商洛道捐俸葺庠與秦士談經講藝或單騎行
村落父老持酒攜蔬來餉公酬而嚼之若親父兄秦中
苦役白兩臺用條鞭法民困以蘇商洛有礦盜數百移
檄諭之皆解去遷廣西參政領桂平道政尙簡易興文
化俗手修廣西通志以平猿擢貴州按察使未幾謝病
歸有強雷者公曰用世如虛舟存而不繫過而不留不
以天下爲己有出世如游魚游乎江湖忘乎江湖不以

己爲天下有亡何卒公不設道學之名而深造有得居家以孝弟爲宗當官以義利爲防廉不買聲介不絕俗仰思俯視充然有得其胃懷廓落洞極無際時或登山臨流觀化自適著有四書解醒易冥冥編與蔡氏蒙引陳氏淺說並傳又有三餘集漫吟集生篇其雜鳴偶記一書則躬行心得之言與虛齋密箴相表裏若酒經得得篇則娛心曠志之文也

李公光縉字衷一晉江人二歲而孤師事蘇紫溪善古文詞領萬厯乙酉鄉薦第一著述甚富尤喜序述節烈忠義事其文章悉嘔心而出不輕下一語學者稱衷一先道南源委

卷之六

六

正誼堂

生著易經潛解四書臆說及景璧集二十餘卷張公廷芳晉江人父謙齋以文學召爲石井書院司糾公能修父業講明理學冠婚喪祭一遵家禮自號退密翁嘗著易經十翼章圖蘊義十卷

蔡公宗禹字寶元漳浦人父大壯字丕禮受業周翠渠告以主敬之學充然有得以舉人任寧鄉知縣大書居敬二字於衙齋銘曰遠敬君近敬身幽敬鬼明敬人必至無所不敬庶幾不負吾學不負吾身凡折獄必引經文爲斷民以事至邑者必問曰讀書乎則告以講習之法或曰未也則曰爾父誤汝矣速教汝子勿蹈汝父也所

有田宅悉以均諸兄弟著毛詩釋義公秉性剛介明敏
過人少年讀書但求大意不事鉤索乃父教以因經求
道因物求知一日大省萬厯閒貢入太學大司成葉臺
山稱爲天下士屢贈以詩於是聲名籍甚登辛丑進士
司李鎮江甫下車首嚴左道之禁勸諭空門還俗僧寮
道宇置役守之以絕士女之往來而緇衣黃冠經入人
家者有罰法令嚴明人莫敢犯惟罪迹未著或已著而
情屬可矜者率多平反郡丞某墨而殘欲以其私害人
公爭之強致失丞歡丞方攝郡上官檄公使代之丞益
恨構陷萬端遂被劾謫湖州照磨覈其事皆烏有未幾

道南源委

卷之六

七

正誼堂

丞亦敗彈丞者以螫公爲名公得白補授麗水令冰蘖

自矢園有椿樹蒞之以佐食蒼頭短衣不完所得俸錢

悉以興學校資貧士凡有淫祠悉改爲書院而逐其住

僧日與諸生談經講道其中講畢必謂曰吾所持以爲

治者此耳然天下事宜古不宜今者多矣凡諸政令有

不便於民者諸生匡我哉歲饑貧無可賑勸諭諸富室

爲糜以濟而自賦詩以歌其事富室益樂於爲善全活

不下萬數事聞陞刑部主事以疾乞歸講學於湖西書

院終日正容危坐諸生非加冠束帶不敢至前曉集必

拜有問必趨退則一揖而別自臨文作字以至洒掃應

對莫不循循然有規矩几席之下儼若朝儀四方負笈
來者至房舍不能容別結草廬以居公當風清月白時
捉茗挈果放舟湖上顧謂門弟子曰活潑地何人解得
向來到此塵慮盡消不啻如湖泉萬斛洗腸胃也先儒
所謂吟風弄月有吾與點也之意此時此景殆庶幾乎
生平爲學以力行爲主獨往獨來不儕流俗而婚娶喪
葬一遵禮經足迹不至寺觀僧巫術士弗與交談曰磨
不磷涅不淄者聖人事也吾輩自揣堅白如何果能磨
涅無玷乎吾不能爲柳下惠且先學爲魯男子或以舉
業爲道學病者答曰君勿蹈時趨但從程朱講解則舉

道南源委

卷之六

六

正誼堂

業卽道學矣又曰陳布衣先生有言程朱何嘗不科舉
亦以其所學居敬窮理而得者以應試而已年七十餘
卒先生爲人明敏治郡治邑寬嚴並用生平屏絕異學
宦迹所經僧道裹足其闢邪崇正之功更不在韓狄下
今子孫猶能世守其訓凡吉凶事不仗僧巫尤近世所
希觀者宜爲有家之法也所著有明誠解程朱要言續
毛詩釋史記一家言叢桂軒語錄杜詩註釋等書學者
稱震湖先生時江右羅公倫浙中豐公熙皆謫戍鎮海
而同邑薛公士彥亦自雲南布政使致仕歸相與講明

正學有鄒魯之風子一橙

一橙字廷黃別號伯梁充養和粹雅志經學黎明必起危坐曰此平旦清明之氣也孟子所謂好惡與人相近者正在此時其焉可錯過或告以姚江良知之說則曰世守程朱門戶未便操戈入室也領萬厯丙午鄉薦每公車北上載籍千卷以行其於濂洛關閩之書雖驢背板橋未嘗釋手曰吾敬此如神明庶幾不見不聞中不敢自肆也著四書提旨詩經會解布衣心圖註與晉江蘇紫溪友善書問辨復甚多子孫各守家學

高公一賢龍溪人性好學持周易程朱傳義端坐雲洞中一年始作易解以貢入成均領萬厯乙卯順天鄉薦

道南源委

卷之六

五

正誼堂

林公鈿字良章將樂人萬厯開貢士時宋儒羅豫章李延平二先生未與從祀公請於督學熊公尙文行之復刊楊龜山全集著有澹寧集行世時有賴公汝允者亦請羅李從祀而龜山先生之祀則自何公昇請之何賴二公皆公同郡人也

王公志遠漳浦人祖會以舉人知道州政尙寬仁有招撫功公登萬厯十七年進士厯戶部郎中贊襄大禮七次省金錢百萬中使有徵求者力爭抗疏屢干宸怒出爲湖廣參議陞四川右布政罷免坐稅及茶鹽稅歲五萬兩有奇尋轉廣東左布政以勤勞卒於官著書經解中

庸說約王氏四書又有寶廉堂疏鈔鏤藁意雅涉筆等
編弟志道登四十一年進士厯左副都御史宏光嗣立
起授吏部左侍郎著有易解六十四卦名千續韋編又
有詩經疏松關書義陰符解奏疏如江集等書

林公祺龍溪諸生也少豪宕不羈後乃收斂力行閉戶著
書人無知者毋沒哀毀骨立足不出門年三十餘卒所
輯有續伊洛淵源錄考亭源流錄考亭麗澤錄高東溪
遺澤錄陳布衣文鈔漳獻備忘漳文備忘古今指掌錄
林公胤昌號素庵晉江人天啓壬戌進士厯官吏部文選
司以忤權貴借他事下詔獄百日歸家講學從游者履

道南源委

卷之六

二

正誼堂

滿著有易史象解廣占續小學春秋總論泉山小志經
史禱義旦氣箴百夢草筍隄集等書

蘇公鼎實字道宏晉江人性警悟絕意仕進究心伊洛之
學者尙書明說四書註補性理約言人物傳評古今鑑
略

林公子雲字質夫臨漳人潛心理學躬行實體著易說十
卷官融州教授

林公甫任晉江諸生也少志聖學取六經及宋儒書讀之
寒暑不輟作四面圖纂以自記曰居敬曰立志曰進學
曰遠識自謂敬一字持之最堅雖白刃莫能奪也所著

有詩經翼傳四書管見感省集

鄒公大猷字星臺建寧人歷益陽教諭矩步動遵先民傳經授徒務在實行遇人雖年少必均以禮或訓以格言

云

李公仕弼字君佐晉江人善治經為諸生祭酒遠從伊洛近守文莊體裁自家淵源往哲學者師之

李公逢期字維徵晉江人以貢士任瀧水訓導陞九江德化教諭寧波教授以禮讓風士士林胥化其學以不欺

為標領孝弟為粟帛整齊嚴肅為步趨轉鎖海衛學寧人奔送百餘里數日不絕終藩府紀善祀寧波名宦所

道南源委

卷之六

三 正誼堂

著有四書易經隨筆

著書諸公

張公書紳著四書心旨會宗禮記紉裘正文疑隱關鍵

徐公棉字子瞻著周易通解

閩縣

黃公文煥字維章著詩經四書瑯環

永福

張公以寧著春秋論斷

翁公興賢字懋卿著易經理解

侯官

林公茂槐字穉虛著訂訛音韻字學書考定正四書經史

決疑

福清

何公宗魯字宗可著詩辨考證

福清

卓公衍祥著書經刪補

林公世陞著毛詩人物考

王公大覺著易詩解

陳公址字道從著易經摘說江連

王公夢麟字維振著北山讀易記閩縣

鄧公原岳字子高著禮記參衡閩縣

鄧公原宗著禮記詳說閩縣

鄧公原芳著禮記叩鳴閩縣

鄧公廷曾著禮記訂補閩縣

以上俱福州人

道南源委 卷之六

周公京著周禮句解

盧公廷選字鉉卿著尚書雅言四書實義

林公全著易苑叢圖

林公澄源字仲清著書經四書講義及悟性吟等編

郭公良翰著周禮古本訂注

陳公言字直昌著尚書講義

龔公霖著春秋發明

林公東海著四書集解

以上俱興化莆田人

曾公化龍字大雲著易醒解江晉

黃公國鼎字九石著易初進解

江晉

林公存著易說

江晉

張公治具著尚書會解四書初說

江晉

劉公弘寶字公可著尚書說

江晉

蘇公庚新字子白著四書翼箋易經管見

江晉

莊公奇顯字允元著尚書指南及通鑑性理刪

江晉

鄭公維嶽字孩如著易經密義四書正脈禮記解

南安

以上俱泉州人

陳公富著平心澄氣二箴

龍溪

林公敬著詩經講義

漳浦

道南源委

卷之六

三

正誼堂

江公環字縉雲著詩經行義盛行海內

漳浦

陳公魁士著天文節要地理全集

漳浦

何公楷字位子著四書字考考定古文孝經古周易訂詁

詩經世本古義春秋釋等書

漳浦

黃公道周字幼佐別號石齋著易象正三易洞璣易本象

三易軒圖三易筮圖六十四卦要說革象新書筮命太

咸洪範明義典謨集傳尚貢明義政宦集傳呂翁明義

疇象詩序正詩揆詩表春秋表正春秋揆春秋軌三禮

儒行集傳緇衣集傳坊記集傳表記集傳月令明義孝

經大傳考經贊考經外傳考經定本孝經別本續離騷

神宗實錄興元紀略駢枝別集浩然堂文集榕壇問業

明誠堂問業北山問業

漳浦

戴公廷槐著易學舉隅

長泰

陳公九敘著心源錄

漳平

以上俱漳州人

蕭公來鳳字舜儀著演宗問答

游公居敬字行簡著五經笏訓

以上俱延平人

林公命字子順著正氣錄春秋訂疑

建安

龔公釜著古學編

建安

道南源委

卷之六

鄒公希賢著春秋正解

建安

滕公伯輪字汝載著義經要旨

甌寧

魏公濬著易義古象通

松溪

謝公時可著左傳管見

以上俱建寧人

張公能恭字禮言著禹貢訂傳忠定奏議口地人文八十

卷

邵武人

黃公乾行字大同著春秋目錄

福寧

陳公哀字邦進著易書詩緒說禮記正蒙

福寧

正誼堂



以上俱福寧州人

道南源委

卷之六

五

正韻堂

